



Ilulissat ulloq 17. august 2015.

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqquut imaattoq saqqummiuppara.

(inatsisartunut ilaasortaq, Anthon Frederiksen, Partii Naleraq)

Naalackersuisunut apeqquut:

1. Nunatsinni assassorlutik kusanartuliortartut (eqqumiitsuliortut), nunani issittuni eqqumiitsuliortut suliaminnik saqqummersitsinissaannut peqataanissamut tapiiffigineqarsinnaappaat ?
2. Taamaattoqarsinnaapput sumut saaffiginnissinnaappaat ?
3. Saqqummersitsinernut assisiinngitsunut nunarput sinnerlugu peqataanissamut qanoq allanik periarfissaqarput ?

Tungavilersuut:

Qujanartumik nunatsinni inuusuttunik assassorlutik kusanartuliortartunik ilaqarpugut, tamakkulumi ilaat nunani allani suliaminnik saqqummersitsinernut assigiinngitsunut peqataasareerput.

Taamaaliornikkut nunarput avammut kusanartumik nittarsaattarpat ajunngivissumik.

Oktoberip 15.aniit 19.anut 2015 nunani issittuni eqqumiitsuliortut Reykjavik-imi suliaminnik saqqummersitsiniarput.

Naluneqanngitsutut saqqummersitsinerit taamaattut periarfissatsialaapput nunatta avammut suli ajunnginnerusumik nittarsaannissaanut.

Taamaattumik eqqumiitsuliortut ilaasa saaffiginninnerat tunngavigalugu apeqqutit qulaani taaneqartut matulmuuna ingerlateqqippakka.

Apeqqutip ullut suliffiit qulit qaangiutinnginnerini akissuteqarfigineqarnissaa Partii Naleqqamiit piumasaraarput.